



Grad Sarajevo
City of Sarajevo

Broj: 01/09-02-7443/23
Sarajevo, 14.11.2022. godine.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

PREJELI DENO:	15 NOV 2023	
Org. jed. broj	Priloga	Vrijednost
01-05-09-	729/	23

Na osnovu člana 42. stav (1) tačka a) Statuta Grada Sarajeva („Službene novine Kantona Sarajevo”, broj 7/23), a u vezi sa članom 6. Odluke o spomenicima od značaja za Grad Sarajevo („Službene novine Kantona Sarajevo“, broj 49/19, ispravka – 28/20), gradonačelnica Grada Sarajeva donosi:

ZAKLJUČAK

1. Utvrđuje se tekst Nacrta Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru zajedno sa idejnim rješenjem, koji je u prilogu ovog akta.
2. Predlaže se Komisiji za spomenike Gradskog vijeće Grada Sarajeva da utvrdi Nacrt Odluke iz stava (1) i uputi ga Gradskom vijeću Grada Sarajeva na razmatranje.
3. Predlaže se Komisiji za spomenike Gradskog vijeće Grada Sarajeva da za Nacrt Odluke iz stava (1) predloži Gradskom Vijeću Grada Sarajeva javnu raspravu u trajanju od 5 dana i da za provođenje javne rasprave zaduži gradonačelnicu Grada Sarajeva putem Službe za urbano planiranje, investicije, stambene i komunalne poslove i Komisiju za spomenike Gradskog vijeća Grada Sarajeva, a kao subjekte javne rasprave odredi klubove gradskih vijećnika, Općinu Centar Sarajevo i druge subjekte koji iskažu interes, a tokom trajanja javne rasprave istaknuta poveznica bit će javno dostupna na službenoj internetskoj stranici Grada Sarajeva na naslovnoj stranici pod naslovom „Poziv za javnu raspravu o Nacrtu Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru.“
4. Predlaže se Gradskom vijeću Grada Sarajeva da donese poseban zaključak o provođenju javne rasprave, u skladu sa članom 114. Poslovnika Gradskog vijeća Grada Sarajeva, a radi realizacije tačke 3. ovog Zaključka.

Pomoćnica gradonačelnice
za urbano planiranje, investicije,
stambene i komunalne poslove

Merima Arifhodžić



GRADONAČELNICA

Prof. dr. Benjamina Karić





Broj:
Sarajevo, __. __. 2023 godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

ZAKLJUČAK

(Prijedlog)

1. Gradsko vijeće Grada Sarajeva razmatralo je Nacrt Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru zajedno sa idejnim rješenjem koji je u prilogu ovog akta i upućuje ga u javnu raspravu u trajanju od 5 dana od dana upućivanja Nacrta Odluke u javnu raspravu.
2. Subjekti u javnoj raspravi su klubovi gradskih vijećnika i drugi subjekti koji iskažu interes.
3. Ovaj Zaključak, čiji je sastavni dio utvrđeni Nacrt Odluke iz stava (1), tokom trajanja javne rasprave bit će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o podizanju spomen-ploče mladim doktoricama tragično nastradalim u saobraćajnoj nesreći na Marijin dvoru“.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke iz stava (1), tretirat će se kao prilog javnoj raspravi.
5. Za organizaciju i vođenje javne rasprave određuje se gradonačelnica Grada Sarajeva putem Službe za urbano planiranje, investicije, stambene i komunalne poslove i Komisija za spomenike Gradskog vijeća Grada Sarajeva.

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O PODIZANJU SPOMEN-PLOČE MLADIM DOKTORICAMA TRAGIČNO
NASTRADALIM U SAOBRAĆAJNOJ NESREĆI NA MARIJIN DVORU
(Nacrt)

Predlagač: Komisija za spomenike
Obradivač: Služba za urbano planiranje, investicije,
stambene i komunalne poslove

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 20. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – Ispravka), Gradsko vijeće Grada Sarajeva, na __. sjednici održanoj dana __. __.2023. godine, donijelo je

(Nacrt)

**ODLUKU
O PODIZANJU SPOMEN-PLOČE MLADIM DOKTORICAMA TRAGIČNO
NASTRADALIM U SAOBRAĆAJNOJ NESREĆI NA MARIJIN DVORU**

**Član 1.
(Predmet)**

Podiže se spomen-ploča mladim doktoricama tragično nastradalim u saobraćajnoj nesreći na Marijin dvoru (u daljnjem tekstu: spomen-ploča), kao spomen-ploča od značaja za Grad Sarajevo.

**Član 2.
(Lokacija i idejno rješenje)**

Spomen-ploča se postavlja na fasadi objekta Marijin dvor, ulica Dolina, općina Centar Sarajevo, a prema idejnom rješenju koji je sastavni dio ove odluke.

**Član 3.
(Obaveze)**

Grad Sarajevo će poduzeti sve aktivnosti na postavljanju spomen-ploče i budućeg održavanja.

**Član 4.
(Finasiranje)**

Finasiranje izrade i postavljanja spomen-ploče snosi Grad Sarajevo.

**Član 5.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __.2023. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje.

Pravni osnov sadržan je i u članu 20. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – Ispravka) kojim je propisano da Odluku o podizanju spomenika od značaja za Grad Sarajevo donosi Gradsko vijeće Grada Sarajeva.

RAZLOZI DONOŠENJA

U sarajevskom naselju Marijin Dvor, 26. maja 2023. godine došlo je do teške saobraćajne nesreće u kojoj su život izgubile dvije mlade doktorice, dr. Azra Spahić i dr. Alma Suljić.

Grad Sarajevo planira postavljanje spomen-ploče koja ima za cilj da trajno sačuva uspomenu na dr. Azra Spahić i dr. Alma Suljić. Također, spomen-ploča će buduće generacije trajno opominjati i pomoći da shvate ozbiljnost saobraćajnih nesreća, kao i podsticati veću pažnju na bezbjednost u saobraćaju.

Spomen-ploča će se nalaziti na mjestu nesreće Marijin Dvoru, ulica Dolina.

Grad Sarajevo preuzima obavezu finansiranja i održavanja spomen-ploče.

Potrebno je ishodovati prethodne saglasnosti nadležnih institucija, obzirom da je zgrada na kojoj se planira postaviti spomen-ploča nacionalni spomenik Bosne i Hercegovine i bilo kakva intervencija na fasadi objekta zahtjeva posebne saglasnosti.

FINANSIJSKA SREDSTVA

Za realizaciju ove odluke predviđena su sredstva u Budžetu Grada Sarajeva za 2023. godinu.

IDEJNO RJEŠENJE SPOMEN PLOČE: AZRA & ALMA

"Postoje životi koji kratke traju, a mnoga više ostave i daju...."



dr. AZRA SPAHIĆ
(1998-2023)




dr. ALMA SULJIĆ
(1997-2023)

Dana 26.5.2023. godine tragično su preknute dvije mladosti.
U znak sjećanja i za opomenu budućim naraštajima, spomen ploču podiže Grad Sarajevo.

"Postoje životi koji kratka traju, a mnogo više ostave i daju..."



dr. AZRA SPAHIĆ
(1998-2023)



dr. ALMA SULJIĆ
(1997-2023)

Dana 26.5.2023. godine tragično su prekinute dvije mladosti.

60

410

